

**MAURITIJ BRESSIJ ...
ORATIO AD S.D.N.
CLEMENTEM 8. PONT.
OPT. MAX. PRO
ERRICO 4. FRANCIAE...**

Maurice Bressieu



Imprimatur.
Alex. Prouiceſg.

Imprimatur.
Fr. P. Ioan. Saragoſa
Promagiſter Sacri
Palatii.



3

ILLVSTRISSIMO
ET EXCELLENTISS. VIRO
PHILIPPO HVRALTO
COMITI CIVERNII
FRANCIAE CANCELLARIO



MAVRITIVS BRESSIVS S. P. D.



REDEBAM, vir Illustrissime,
oratorio muneri, mihi à Rege Christia-
nissimo iniuncto, satis factum à me, ha-
bita ipsius nomine ad Summum Ponti-
ficem oratione. At eam peruulgare,
verebar ne hominis esse censeretur, res
suas magni facientis. Sed assidua quamplurimorum, etiam
Illustrissimorum & Reuerendissimorum Cardinalium, po-
stulatio, vel potius exposulatio, ut eam de manibus exi-
re paterer, peruenit. Multum autem apud me valuit, quod
dicerent ipsius Regis interesse, ut in lucem prodiret testis
Regia pietatis oratio. Feci autem eo lubentius, ut eis mo-
rèr gererem, quod meam erga te observantiam, tuis erga
me meritis, & perpetua beneuolentia quasitam, testifican-
di facultatem hac dedicatione videbam dari. Accedit,
quod talis es, ut nemo grauis & sapiens, predicandis, &
quantumuis celebrandis laudibus tuis, erubescat. Quippe

4
laudatoris conscientia astipulante, & Deo hominibusq. eas
comprobantibus. Tua ista Francorum Regibus spectata
virtus, & cum literis, tuum longororum usu parata, sin-
gularis quedam planeq. diuina rerumpublicarum & impe-
riorum regendorum scientia, te ad supremum honorem de-
cusque togæ prouexit: ut nihil iam sibi reliqui fecerit,
quo euadere possit altius. Tanta autem cum dignitate &
commendatione principis, tantam tam diu tueri dignita-
tem, incredibilis cuiusdam est prudentiæ; præsertim cum
instar fulminis, summa quæque petat seriatq. maleuolen-
tia. Quam in magnis opibus, tamq. conspicuo situm loco,
deuitare, perdifficile: superare, quod facis, excellentis est
facultatis. Verum tuas laudes, non postrema hæc de nostris,
loquetur pagina. Nunquam enim de virorum illustrium,
præclare de me meritorum virtutibus, inter quos principem
ipse locum obtines, scripta mea conticescere patiar. Vale,
& clientem tuum complectere. Romæ 12. Cal. Aug. 1597.



MAVRI

81

MAVRITII BRESSII
GRATIANOPOLITANI
DOCTORIS ET ORATORIS
AD SVMMVM PONTIFICEM REGII

Oratio.



I quisquam est, Pater Sanctissime, qui Regiæ Legationis aduentum tarditatis esse infimulandum existimet: quòd tanto post Regis Christianissimi cum Sede Apostolica in gratiam reditum, nunc demum ad eam accedere sustinuimus, ascribat ad sententiam suam, non modo nostrum, verum etiam Serenissimi Regis iudicium, factum id serius ingenuè profitentis, & iniquissimo animo patientis. Cui quamuis nihil esset, ut opratius, ita longius, quàm hoc memoris, & ex Beatitudinis Tuæ nutu pendentis animi fungi officio, cum Pontificiæ dignitatis sanctimonix, tum tuis erga Franciam meritis immortalibus, à se omnium maximè Regum debito; frustra tamen omnia experto, præstare id maturius, per magnam multiplicis grauisque belli molem vimque, non licuit. Sunt namque infera superis; humana & terrena caelestibus valde disparia. Etenim beatæ mentes fruuntur libero & sine vllis impedimentis æuo. Stellæ, æthereiq. orbes, cursus & conuersiones suas, omnis expertes offensionis; constantissimè seculis innumerabilibus conficiunt. Verùm homines magnis sæpenumero rerum difficultatibus & angustiis vrgentur; habentque plurima suis propositis & conatibus obstantia. Neque hac naturæ lege est quisquam mortaliū solutus. Quo minus rationi est consentaneum, siqua res parum alicui ex sententia processerit, ei euentum crimini ducere: &

te, & ex vi, voluntatem; ex necessitate, animi sensus interpretari. cum neque vis, neque casus, sed culpa dumtaxat præstari debeat. Qua Regem vsqueadeo yacare, vt ei omnia optimi & obediensissimi filij officia constent, testificantur præterita. Imprimis autem longa missarum ad Te, Pontificesq. superiores Legationum series. Quarum tres primæ, de consensu & voluntate Regis, velut cuiusdam filij, errore suo agnito, patris animum, per Internuntios explorantis, & mitigare ac mollire conantis, sunt profectæ. Sequentes, disertè & expressè à Rege missæ sunt. Harum principem obiit, qui & præsentem. Hunc subsecutus est, Illustriss. ac Reuerendiss. Cardinalis Gondius. Cuius annuam admissionis expectationem, æqua ferentis mente, insignis, & ad omnem posteritatis memoriam memoranda, fuit patientia. Tertius fuit excellentissimus Marchio Pisani. Post eos illustrissimus Dux Niuernensium à Rege missus est: Quorum omnium Oratorum, nemo redijt exorator. Et, quem tanta vnquam fuisse Regem constantia auditum est, qui tam frequenter repulsus, non penitus animo concidisset? Cui (tantos præsertim, tamq. elatos gerenti spiritus) toties ingeminata supplicum præcū repudiatio, non suafisset, vna cum spe consequendi reditus in gratiam, eius quoque consecrandi, omnem abijcere voluntatem? Rex tamen nihilo ad supplicandum segnior effectus, instare, urgere, obsecrare, perseveranter perstitit. At quo tempore? Eo nempe, quo cum exulceratis tam frequenti repulsa Procerum Francorum animis, consiliari necesse habuit; suaderentium, proprio consilio rebus Galliæ prospicere. Verū spe reconciliationis ostensa ab Illustriss. Cardinali Gondio recreatus, constantè suasis eorum obstitit. Quintumq. misit, Iacobum Dauum Ebrouensem Episcopum. Quo, vna cum Arnaldo Ossato, Rhédonensiu Episcopo (vtrouque viro præstantissimo, & de Galliæ præclarè merito) pro Rege Serenissimo deprecante, paterni amoris tui viscera, ad misericordiam sunt commotæ: Tum enim demum abs Te, abs Te, inquam, Pater Opt. Max. Regi semianimi, salus optatissima: Galliæ in lacrymis, sordibus, tenebrisq. iacenti, lux dulcissima, cum veste candida, fuit reddita. Cuius beneficii tui, quantam, Deus bone, Rex præ se tulit, & perlato nuntio,

nuntio, lætitiā: & perlecto diplomate, reuerentiā! Ex eo, quasi vice versa, commutatisq. partibus, Tua Sanctitas Regem officijs anteuertere, & cumulare gestiēns, ad eum legauit Illustriss. & Reuerendiss. Cardinalem Florentiæ, summæ, vti est cognitum, animi æquitatis, moderationis, iustitiæ, temperantiæ, lenitatis, prudentiæ, humanitatis principem: quo nemo grator legari potuit. At quem se erga eum Rex Christianissimus gessit? Ius ei abs Te datum, Senatusconsulto honorificentissimo: quamprimum ornandum, eius in Galliam introitum, virorum primariorum occurſu excipiendum, & cohonestandum curauit. Tandemq. ipse vna cum Principibus, & frequenti nobilitate, nouo more, regibusq. nostris insolito, eidem multa militaria processit obuiam. Cuius amplitudinem, quā comiter, quā humanè, quā amicè complexus sit, lacrymis vbertim & affatim ab oculis manantibus, & præ ingenti gaudio, instar riui profluentibus: ita vt ab amplexu vix diuelli potuerit, quis dignè commemorauerit? Tacemus introductum in urbem Regiam Regifico apparatu legatum. Silemus hospitio acceptum, & diebus compluribus humanissimè habitum: quibus certatim à cunctis ordinibus, ad eum, tanquam non Romano à solo missum, sed ex ipso cœlo demissum, concursu maximo ventum est. Tantum dicimus, tuis Regem diplomatæ, & Sanctissimis Legati monitis, promptissimè & lubentissimè satisfecisse, satisq. esse facturum omnibus. Quæ ideo commemorauimus, vt pateat, vana & conficta esse ea, quæ à quibusdā Gallico nomini iniquioribus, coactam dilationem nostram in culpam conuertentibus, iactata sunt. Quare quoniam præterita Sanctitati Tuæ probatissima esse confidimus, superest, vt ad agendas ei gratias accedamus. In quo præstando, quæsumus à Tua, Pater S. prudentiæ, vt, si pro Tuis singularibus & mirificis erga Regem Regnumq. Galliæ beneficijs, parum tibi cunulatè agemus gratias, non tam id Regis culpa factum existimes, quā tuorum meritorum magnitudine & præstantia; quibus nullum se vnquam flumen ingenij, nulla dicendi vis atque copia, nulla ornatissimæ orationis facultas, aut scribendo, aut orando, æquauerit. Tibi namque Rex tantum debet, quantum hominem homi-

ni de-

ni debere, præterquam tibi, natura & conditio rerum non pati-
 tur: tum quod ab vna Sanctitate Tua tribui potuit: tum quod
 ex eo est rerum genere, quo nihil mortalibus dari maius, nihil
 præstabilius potest. Nam qua, homine digna, humanitate es:
 qua, nomini Tuo conueniente, clementia: qua paterni affectus
 charitate: vt quondam periclitantibus in mari Apostolis, Chri-
 stus Saluator, sic Regi naufrago salutarem dexteram porrexisti:
 cumq. a iactatione & fluctibus ad portum: a desperatione ad
 spem: ab exitio ad salutem reuocasti. Haud equidem opere,
 exiguo, nec paruo labore. Nam quæ vnquam obsidione cincta
 ciuitas, tot dolis, cuniculis, tormentisq. tentata est, quor San-
 ctitas Tua artibus, machinationibusque, quominus & Regi opi-
 tularetur, & Regno, est oppugnata? Sed cum longè alius sit pa-
 rentis, quàm alieni animus (quemadmodum Salomonis iudi-
 cio compertum est) omnia viciisti & superasti obstacula. Nam
 nec metu, nec spe, nec promissis, nec precibus, Te à Regis, Re-
 gniq. salute depelli passus es. Nullas pro Francia simultates,
 nullas offensiones, nullam cuiusquam malam gratiam, nulla
 odia, nullum discrimen, Tibi defugiendum esse duxisti. Porro
 quæ Tua fuit sollicitudo? quæ anxietas? cum tu, simul ac id con-
 silij sedit animo, nihil aliud dies & noctes, nisi de seruando Re-
 gno Franciæ cogitares? cum omnes curas, vigiliasq. Tuas, in
 salute Regni defigeres & collocares? Quid referemus tuum abs
 Te corpus castissimum, quotidianis propè ieiunijs maceratum?
 Quid supplicationibus ad sacrosanctas Basilicas, emenso nudis
 pedibus itinere, vexatum? Quid noctes insomnes? Quid preces
 ardentissimas, cælestis opis flagitatrices? Quid profluvia, fon-
 tesq. vberes lacrymarum? Denique Tua omnis actio, & ratio,
 Tua consilia omnia, totusq. postmodum Pontificatus, quid fuit
 aliud, quàm constans & perpetua Galliarum salutis procuratio,
 & propugnatio? Quæ quanto optatis nostris, & Regia postula-
 tione senior contigit: tanto cauior, & ab omni maledicorum
 reprehensione, morsuq. calumnie est munitior. Quod enim
 factum temporius, gratiæ non nemo forsitan assignasset, id pera-
 ctum tardius, Tui de constanti Regis pietate, perspecta & spe-
 ctata longa die, iudicij, pondus obtinet. Certè hæc gratiæ re-
 conci-

concordatio tam tempestiue cecidit, vt ea & Regem, & Regnum,
ipſius in officio contineris, Romanæq. Sedi peropportune,
in. ipſo articulo conſeruaueris. Hoc enim prudentia Tua per-
niſit, Regis optimi, & fidei Catholicæ ſtudioſiſſimi. precibus
quintum repudiatis, maximum Chriſtianæ rei, alieniſſimis re-
poribus, impendere periculum. Agi enim vnâ cum ſalute Prin-
cipis, Regni Franciæ obedientiam, vnâ cum Regno Franciæ, to-
tius Chriſtianæ Reipublicæ dignitatem. Quis enim tam rudis
eſt, tam rerum ignarus omnium, qui non intelligat, neque rem,
Chriſtianam, Regno Franciæ; nec Regnum Franciæ, Rege Chri-
ſtianiſſimo; nec Regem, Catholicæ religionis cupidiffimū, Ca-
tholica Eccleſia, carere iam diutius potuiſſe? Hanc tuæ ſancti-
monix Deus palmam, hanc tuo Pontificatui coronam, non ci-
ue vita donato, ciuicam: ſed Rege, Regnoq. ſeruato, Regiam,
iam pridem reſeruauerat, vt Regem in piorum & fidelium ho-
minū conſortium aggregares; & eo pacto exoriens in Eccleſia
ſchiſma taterimum, & periculoſiſſimum cohiberes. O Regi fe-
liciſſimum, fortunatiſſimumq. diem! Diem Galliæ optatiſſi-
mum! Diem lætiſſimum Italię! Diem orbi Chriſtiano fauſtiſſi-
mum! Diem Sanctitati tuæ gloriouſiſſimum! Diem, vel ipſis
Angelis celebratiſſimum! cum præſente infinita hominum mul-
titudine, ſpectante & plaudente cuncta nobilitate; Clero, &
ampliſſimo Cardinalium conſilio comprobante & collaudan-
te, Errico quarto, Francię, & Nauarræ Regi, hereditarius Chri-
ſtianiſſimi titulus, ſumma voluntate tua, conſeſſus eſt! Nam
quæ res vnquam, pro Deus immortalis! non ſolum Romæ, ve-
rum etiam in terris omnibus eſt geſta maior? quæ glorioſior?
quæ commédator hominum memoriæ ſempiternę? Illo tu die,
Pater Sanctiſſime, quem tibi tota illuxiſſe vita lætiorem bea-
toremq. recordaris? Quam omnis anteaſſe etatis tuę gratula-
tionein, expectatiſſimæ illi luci anteaſſe? An qua in purpura-
torum Patrum Senatum coopratuſ es? Vel qua Pontifex Max,
renuntiatus? At illa, non tua in alios, ſed aliorum in Te ſunt
benefacta. Hoc autem à Sanctitatis Tuæ benignitate eſt in
Franciam collatum beneficium. Illa tibi cum innumeris exte-
rere communia. Hoc autem gloriouſiſſimum faciūſ vel tuum

est, & proprium: vel saltem te Principe, & Duce, cæteris con-
 natibus tuis, gestum. Cuius tantam esse magnitudinem, Rex
 fatetur, ut ea vix cuiusquam mente & cogitatione capi posse
 videatur. Itaque ingentes, Deo primum Opt. Max. bonorum
 omnium largitori, deinde Tibi secundum cum benignissimo,
 Rex agit gratias. Et quamvis gratiam referre Tibi tantam ne-
 queat, quantam debet, habet tamen, quantam maximam ipsius
 animus completi potest; tantiq. promeriti memoriam, dum
 anima spirabit sua, benevolentia & reuerentia colet perpetua.
 Et quoniam vos, Illustrissimi & Reuerendissimi Cardinales;
 clarissima aulæ Romanæ lumina, firmissima & solidissima Ec-
 clesiæ Christianæ columina, Summo Pontifici, pro salute Regni
 Gallici anxie laboranti, deq. eo conseruando & restaurando
 deliberanti, non magis vos assessores, quàm assensores & suffra-
 gatores præbuitis: ea re, vobis Maiestas Regia grata, & vestri
 memor beneficij, ut de ea quisque est optime meritus, ita gra-
 tias agit maximas. nec vlli aut loco, aut tempori deerit, quin,
 quoad eius facere poterit, vobis (quos obseruantia tanquam
 Patres prosequitur: benevolentia & amore tanquam fratres
 amplectitur) quam cumulatissimè referat & reponat. Quanquā
 eorum quoque, Pontifex Beatissime, quæ ab hisce Illustrissimis
 & Reuerendissimis Cardinalibus præclare dicta & consulta
 sunt nomine, Tibi Rex Christianissimus præcipuam debet gra-
 tiam; qui eos tales vel creando, vel præstando, vel conseruan-
 do, perfeceris, ut cum ab ijs consilium exquireres, illi Tibi gra-
 uissimi & gratissimi authores ad instituendam, fidelissimi fo-
 tij ad instruendam, acerrimi propugnatores ad exequendam
 gratiæ cum Rege, Regnoq. Christianissimo reconciliationem,
 fuerint. Quibus dum Rex agit gratias, dum eorum laudes per
 nos celebrat, in Te, Pater Opt. Max. gratus est, Te laudibus in
 cælum euehit; vel eo maxime, quod ijs antistitibus, qui Tuæ
 Sanctitati in hoc exequendo negotio strenuam operam naua-
 uerunt, Senatum Pontificium decoraueris. Non enim temerè,
 sed circumspectè; non præcipiti, sed attenta deliberatione, aut
 eos, aut quenquam omnium ad summos hōnorum gradus ex-
 tulisti: ut prudentiæ, & sapientiæ Tuæ euehita, temeritati acce-

ptum sit ferendum nihil. Non enim cōsociatur casus cum cōsilio, nec locum in ijs, quæ certa ratione gesta sunt, fors habet ullum. Tu autem quantum operæ, studij, industriæ in patribus legendis adhibes? Admiratæ sunt gentes perquamdiu, quid esset, quare cum Summi Pontifices simul ac Pontificatum iniere, Cardinalatum in propinquos suos conferre cōsueuissent; Tu, qui duos haberes, dilectione & charitate Tua dignissimos, & omni virtutum genere cumulatisimos; iacere tamen eos, nouo instituto prope biennium, passus fueris: donec tandem intellectum est, id ea re factum à Sanctitate Tua fuisse, vt, cum plurima, & insignia, in hoc celeberrimo totius orbis theatro, virtutis specimina edidissent, non Te sanguini, nec propinquitati purpuram dedisse, sed excellentissimæ eorum virtuti debitam reddidisse, mortales omnes cognoscerent. Longum esset ceteros sigillatim percurrere, quibus vel sedula & abstinens ducentis ad se cuncta pecuniæ, fisci administratio; vel eximia iuris vtriusque scientia; vel annalibus prodita Christianarum rerum monumenta; vel alia denique eximia & singularia ornamenta, galerum impetrauerunt purpureum. Quid memoremus in creandis, & sacrandis Episcopis, vt manum Tuam inhibeas, nec vlli prius imponas, quàm eum probatissimis & laudatissimis præditum esse moribus: doctrina autem instructum cum pura & fidei, tum eximia cognoueris? Quid? quod ne ad leuiora quidem munia, sublimitatis Tuæ fastigium demisisse Te piguit? & vigilantiam Tuam omnes maximas, minimasq. Ecclesiasticæ rei partes, complecti, & peruadere sensimus? Quæ, quanquam magna sunt & præstabilia, multò tamen maximum & præstantissimum, Tuorumq. pulcherrimorum operum caput est, ac veluti absolutio, illa nunquam laudata satis, ab Ecclesiastica Censura absolutio, & in beatissimam Ciuitatem Dei, Regis adscriptio. Et Regis, qui studio & zelo ad pietatem ardentissimo rapiatur. Verè vt Tibi in Christo gloriari liceat, quòd talem in Christo Filium sustuleris & progenueris. Vtque Rex Christianissimus, à quocunque Romano Pontifice absolutionis beneficium accepisset, secum præclarè actum arbitraretur. Quòd verò abs Te tali, ac tanto Pontifice, obtinuerit, pleno gaudet

ac solido gaudio. Ita Tu, Pater Sanctissime, si Dei voluntas ita
 ferebat, ut Regem Franciæ absolueres, est quod læteris Te hanc
 gratiam ei potissimum Regi tribuisse, qui præter virtutes, abso-
 lutionem meritis, multis alijs nominibus, eisque magnis, egre-
 gius, conspicitur. Quo loco possemus commemorare magnum
 eius animum & excelsum, promptum & acre ingenium, firmam
 & diurnam memoriam, corporis bonam valitudinem, veloci-
 tatem, vires, dignitatem, æstus, alboris, inedia, sitis, vigiliarum,
 ac laborum tolerantiam. Possemus etiam de eius integritate,
 candore, bonitate, dictorum conuentorumque veritate, atque
 constantia, grato in bene merentes animo, beneficentia, comi-
 tate, affabilitate, clementia incredibili, dicere. Possemus & rei
 militaris artes, fortitudinem, celeritatem, felicitatem, prælia,
 victorias, & plurimas ac maximas cum parvis opibus, res præ-
 clarè gestas enarrare. Sed nos aliò cum temporis ad dicendum
 tribui consueti angustia: tum Regis, nullam prius pietatis com-
 mendatione laudem ambientis, voluntas: tum denique hodie-
 na celebritas, & Tua, Pater Sanctissime, vocat expectatio. Pa-
 rendum igitur, & breuibus Regis pietas exponenda. Quæ ex ijs
 quæ à nobis dicentur, hoc est, ipsa rerum veritate, potius, quàm
 ex maleuolorum vocibus spectanda est. Certo enim est certius
 Lutetiam, cum arctissima obsidione premeretur, vltro spon-
 disse Regi, se deditionem facturam, si ipse Catholicam fidem
 profiteretur: Illustrissimum quoque Ducem Mænnium in ean-
 dem sepe sententiam locutum. Hic lubet quærere, quomodo
 que tam obfirmato esse animo videatur, ut cum non præmium,
 quod proponi potest amplissimum, fuerit permoturus, Regni ma-
 ximi & opulèntissimi sine sanguine & sudore adeptus? Regi enim
 nihil amplius fuisset opus vigilijs: non interdiu, noctuque du-
 ctandi exercitus, non acie dimicandum, non expugnandæ vr-
 bes, non subigendæ labore plurimo provinciæ. vnico prolato
 verbo, sum Catholicus, pacificè regnare poterat. Sed cum edu-
 cationis vitio orthodoxæ fidei rudis esset: nec inter tantos ar-
 morum strepitus & tumultus, Dei ad se vocantis vocem exau-
 diret, distinctèq. perciperet: factu optimum statuerat, nihil nisi
 Pontifice auctore aggredi, remque eius arbitratui integram re-
 seruare.

55

feruare: Deceudrat itaque ex liquidissimis & limpidissimis,
nec vllō tempore atrescentibus Ecclesiæ Romanæ fontibus, ve-
ritatem nostræ fidei haurire: & iter ad beatitudinem tendens &
ferens, ex certissimo Papæ oraculo, tam verè rectiq. nūcio, quàm
fallere & falli nescio, repetere, ac edificere. Isque tot Legatio-
num, quarum antè meminimus, fuit sensus. Nec aliud tam mul-
tis deprecatoribus, sacriq. oraculi consultoribus quæsitū. Quæ
cum tardius succedere animaduerneret, (Quòd diuina, opinor,
ira, peccatis nostris exacerbata, nōdum deferbuerat) nihil prius
aggressus est, quàm quod vnum supererat, doctissimos Theolo-
gos, & Episcopos consulere, eisq. se erudiendum tradere. A qui-
bus per multos menses edoctus, Catholicum se esse, & professus
est, & perseuerauit. Non enim Catholicum simulare, vt Regno
potiretur, voluit; (infidelis enim, ignobilis, minimèq. generosū
id esse animi semper duxit) sed rerū potitus (cum quidem nulla
residere amplius poterat simulationis, vel causa, vel suspicio)-
veram religionem, ad quam animo iamdudum propendebat,
amplexus est. Equidem non leue hoc animi in primis pij reli-
giosiq. argumentum esse iudico, ipsum eo fuisse animo, vt, non
auro, non purpura, non diademate, terrarumve orbis imperio,
vānalem duceret religionem. Neque regnandi gratia (quæ om-
nium maxima est illecebra) ab ea, quam sibi opinionis errore
finxerat, pietate recederet. An ergo Deum, priusquam bene-
nosset, tam timidè, tamque, vt ita dicam, supersticiosè cultum
voluit, nunc præceptis Catholicæ religionis informatus, sacris
nostris initiatus, clarissima Verbi Dei luce illuminatus, & col-
lustratus, non cupidissimè colet? non ardentissimè venerabitur
& adorabit? Ille verò statuit timorem Domini Sapientiæ esse
initium: omnis benè, & laudabiliter institutæ vitæ, omnis hu-
manæ beatitudinis basia & fundamentum esse pietatem. Quæ
secum dies, noctesq. reputans, Dei cultu, & assidua domi-
risq. beatarum mentium veneratione, posteriora ducit omnia.
Opræclarum & visendum spectaculum, quod diu Galliæ expe-
ctitum, multis antè Pontificibus maximis optatum, Te demum,
sedente contigit! Intueri Erricum IV. Franciæ & Nauarræ Re-
gem Christianissimum, quotidie in sacrosanctis Templis Ca-
tholicæ

tholicæ ritu Ecclesiæ, geminas ad cœlum palmas tendentem! vota pro se, pro incolumitate gētis Gallicæ, Deo, diuisq. & cœlestibus omnibus nuncupantem! prosperis rerum successibus, supplicationes per Episcopos superis decernentem! decretas, maxima veneratione, pedibus obeuntem? Monasterijs, & Xenodochis largas eleemosynas erogantem! Monachis, Presbyteris, Sacerdotibus, Episcopis honores maximos tribuentem! seseq. diuini amoris inuitamentum, pietatis incitamentum, vniuerso Francorum populo exhibentem! Quo nihil nec Catholicis gratius & acceptius, nec hæreticis grauius & acerbius, nostra contingere poterat tempestate. Age verò quantū redimas, Pater Sanctissime, vel Anglos, vel Scotos, vel Danos, vel Germaniæ regulos, vel pagos Heluetiorum, Tibi per Legatos suos, obedientiam augustissima hac in Basilica spondentes & deferentes, de se paria profiteri? Sanè si benè pietatem Tuam noui, tum Te iam satis diu vixisse, quāquam nobis abs Te in eo (pace hoc dicam Tua) dissentientibus, perhiberes. Te igitur (cui Deus largitus est, vt talem, tātumq. Regem ad Christi ouile aggregares, eumq. sinu exciperes Ecclesiæ) quanta denique, quamq. incredibili, cum hæc audias, videas, contempleris, perfrui lætitia existimamus? Synceriores hanc & solidiores, nulloq. infuscatam metu, Regia effecit prouidentia. Quæ, vt fidem Catholicam in Regno Franciæ constabiliret in posterum, ne, si quid ei humanitus accideret, in eius anima periclitaretur Religio, Principem Condæum, sanguine proximum, & in spem Regni educatum, ex hæreticorum, a quibus detinebatur, seminario auulsum, in Christi vinea plantauit: & ex labrusca sterili in generosissimæ & foecundissimæ vitis palmitem inseuit. Nec eo contentus, ipsum agriculturæ sedulo & experienti Marchioni Pisani, excolendum, & omni penitus reuulsa & recisa hæresi, veteræ religionis gemma inoculandum, tradidit: vt fiat, instar arborum, repetita sæpius infusione, mitior. Et nunc culturæ assiduitate, & Catholicæ disciplinæ irrigatione continua, excrescit & in altum tollitur, quasi pulcherrima quædam planta, propter æquæ riuum, pingues agros placidè perlabentem, & leni tractu lambentem, confita. Hoc permota exemplo Princeps Condæa mater,

mater, nomen in Catholicis nunc nuper professum, facta,
 est quasi quoddam pietatis filij corollarium. Verum Regis pie-
 tas omnium mortalium, præsertimq. Illustrissimi & Reueren-
 dissimi Legati Tui, oculos testes habet, vt de ea plura dicere
 sit superuacaneum. Quanquam quid Legati absentis ea in re
 meminimus, cuius tute ipse præsens, vna cum hac toto terrarum
 orbe augustissima corona, testis es locupletissimus? Nam quo
 pietatem suam Rex testatorem facere potuit, quam ad beatitu-
 dinem tuam, præstandæ obedientiæ gratia, legando? & legando
 excellentissimum Principem, Franciscum Luxemburgum, Du-
 cem Pinei, Parem Franciæ, & vtriusque ordinis Equitem tor-
 quatum? In quo ex omni nobilitate vno deligendo, atque ad
 hoc muneris delegando, Maiestas Regia Beatitudinis Tuæ pro-
 mereri gratiam studuit. Nam si pietatis fuit habenda ratio, re-
 ligiosissimum comperies: si meritorum, dignissimum: si stem-
 matum, nobilissimum. Religiosissimum arguit suscepta ad
 Sixtum V. magno capitis, vt tum res erant, discrimine, conser-
 uandæ in Francia Religionis ergo legatio: dignissimum, infini-
 ta quædam ipsius, & primi, & præ cæteris, pro Rege reconcilian-
 do molitio: nobilissimum, genus ea ex gente ductum, quæ Re-
 gibus, & Imperatoribus edendis clauit: simulq. maximorum,
 & potentissimorum Europæ Regum propinquitas. Per eum igitur
 Rex Christianissimus Apostolicos pedes Tuos deosculatur.
 Te, non tanquam communem omnium parentem, dumtaxat, vt
 cæteri: sed (quando se in Christo genuisti) vt proprium, vene-
 rat. Te, Pontificem maximum: Te, Supremum Sacerdotem:
 Te, Beati Petri Apostoli successorem dignissimum: Te, Christi
 Vicarium vigilantissimum: Te, cunctorum Christianorum ca-
 put: Te, non vrbs, sed orbis, & Ecclesiæ vniuersæ agnoscit, pro-
 fitetur, prædicat Episcopum. eoq. nomine Tibi, Sediq. Apo-
 stolicæ debitam præstat obedientiam. Tibi gentes, quibus præ-
 est, Tibi suas Prouincias, Tibi sua Regna sacrat. Pro cuius cel-
 situdine, salute, incolumitate, sanguinem, spiritumq. profun-
 dere nunquam grauabitur. A quo proposito, fideq. Catholica,
 & Apostolici solij obedientia, cui se in præsentia obstringit, cer-
 tum ipsi constitutumq. est nunquam recedere. Tua igitur Bea-
 titas,

